



Senin, 22 Maret 2021

Ogen: *Jeremia 50: 21-46*



Radas Tuhu-tuhu



Babilon negara si megegeh, sedekah enda bangsa e la pernah terantuk si la pernah guling i bas peperangan. Tapi sekali enda rawa Dibata la terolang-olangi, lanai itanggungina rawaNa. Adi merawa Ia man Babil, tentu ertina sekali enda enggo ikelengina tuhu-tuhu bangsaNa Israel e. Kai kin si jadi? Enggo terbegi sora gejek perang, enggo jadi kecedan mekelek i Babilon. Nina Dibata "enggo Kutalangi ingan penimpanen senjatangKu (ay. 25)." Adi Dibata nuruhsa, maka alu gegeh Dibata me bangsa e ngasup dengen megegeh i bas perang. Babilon enggo radas tuhu-tuhu. Pedang nampul ku kalak Babilon, pedang reh guna nggeleh nabi-nabina si perguak, pedang reh nebak ku tentara kalak Babilon. Ku Babil kerina arahna, man kalak kebangsan Babilon e. Dungna, kote kel ia kerina, irampuki, irampasi, kiam ia kerina la ia tahan bas kejadiin si ngeri e. Arah kerina dampar ibahan Tuhan kesusahen man kalak Babilon asum si e.

La ateta jadi peristiwa kengerin tuhu-tuhu bagenda bas tengah-tengah kegeluhenta. Sebab la kita tahan. Nina Dibata "Ras ise kin Aku banci iperseri? Ise pang ngelawan Aku? Pemerintah si apai kin pang rubat ras aku? (ay. 44b)" Jadi, i bas Dibata enggo engkelengi kita, alu ngalemi kerina kesalahenta, kekurangenta ras dosa-dosanta, ulanai min sibahan ceda pusuh Dibata si mpeturah rawaNa nandangi kita. Adi Tuhan enggo merawa lanai kari si eteh tumburen. Arah apai pe kari lalap la sikap.

Madin kita patuh kempak Tuhan. Si isembah kita eme Dibata si mehuli dengen ermediate tuhu-tuhu. Jadilah kita i bas pihak si ikelengi Dibata, sabab bage kin si ipadankenNa man banta. Biak patuh e biak Tuhan Jesus kap. Perbahn kepatuhenNa, nggit IA mate gelah kita terkelin. Nggejapken perbahenen Dibata e tentu malem kal ateta janah perlukal sidadahken kegeluhen kalak si ermalem ate.